

A D
CLEMENTEM
VIII.
PONTIFICEM
OPT. MAX.

Et rerum gestarum gloria florentissimum.

PHILIBERTI BELCREDII,
 ipsius Summi Pontificis V.S. Referendarij,

Et Academici Humilis Affidati de recuperata Ferraria

O R A T I O.



T I C I N I,

Ex Typographia Andrea Viani. MDIC.
Permissu Superiorum.

GENERAL

OF THE

POST OFFICE

OF THE

UNITED STATES

OF POST OFFICES

AND

POST OFFICE

OFFICERS

AND

POST OFFICE

OFFICERS

AND

POST OFFICE

OFFICERS

AND

POST OFFICE

3

PRÆSTANTISSIMÆ,
AC CELEBERRIMÆ
AFFIDATORVM
ACADEMIÆ TICINENSIS.



ANDREAS VIANVS S. P. D.



VIX iam nescio quid rumoris de hac Oratione afflatum erat, cum eam non pauci expectarent: peteret etiam multi: arderent ferè omnes eius desiderio. Nam si qui sunt, qui multi sunt, quos non minus eloquentiæ fames, quàm BELCREDII fama excitat, ij facile intelligunt omnes, quàm commodè ex sapientissimis eius scriptis præsidia artis, ingenij, & vbertatis haurire possunt. Quòd autem nihil, in omni genere scientiarum, neq; oprabilius, neque fructuosum sit magis, quàm sapientiæ cōfors eloquentia, docuit aliquādo Carneades Cyrenæus, qui tantum dicendo præstitit, vt nullam vnquam causam, aut suscepit, quam non sustinuit, aut oppugnarit, quam non euertit. Quare orationem hanc qui regustarunt, nihil sunt veriti, quia omni rerum varietate est referta, & mira verborum iucunditate aspersa, procurare, vt illa, auctore etiam inconsulto, foras prodiret. Quid si, inquiet forè aliquis, mentis eius alienus

sit sensus? dicam, & dicam apertè. toleranda est culpa,
 quæ in modica offensione, cum publica coniuncta
 est utilitate. Adductus igitur primùm alieno consilio,
 quo multos respirare posse videbam: deinde meo con-
 firmatus, ne longius laceraret me angor eorum, qui
 orationem hanc a me exigere, non petere videbantur,
 volui illam in apertum extrudere, quid inquam in aper-
 rum extrudere? imò vobis vniuersis, nobilissimi Aca-
 demici, consacrare, qui iure optimo iam gloriamini,
 tot, tamque ingentes ex hac vestra celeberrima Aca-
 demia, tanquam sapientiæ officina, Belcredij virtutes
 passim esse profeminatas, vt earum gloria vix Italiae
 claustris teneri possit inclusa. Valere.



MAGNUM est nomen tuum,
in uniuersa terra, magna ac ce-
lebris tua in toto terrarum orbe
fama existit, Beatissime Pater,
quam cum Pontificia dignitatis
amplitudo, omnium, quae sub cælo sunt, praestan-
tissimae, atque Deo proximae; tum singularia
multa, ac diuina a tua Sanctitate edita facino-
ra pepererunt: maximè verò illud, quo Ferra-
riam, nobilissimam Italiae Urbem, Romani Im-
perij finibus non ita pridem cum incredibili bono-
rum omnium gaudio felicissimè adiecisti. quod ego
inter cetera summopere admiratus, adhibita in
consilium ratione, sic demum mihi statuendum
essè iudicaui, nihil me ab eximij Oratoris mune-
re alienum facturum esse, si id coram tua San-
ctitate, hoc est, viro omni virtutum, ac scien-
tiarum laude cumulatisimo, & in conspectu tot,
ac tantorum, qui sapientissimi sunt, purpuratorum
Patrum dicendo celebrare cunctis animi viribus,
totoque impetu eniterer. Siquidem hoc fiet, bre-
ui ut mea oratione, quam magnam, ac grauem
subiecti argumenti dignitas, atque praestantia
reddet, & ad quam habendam maxima tum

tua, tum horum omnium amplissimorum Cardina-
 lium, ceterorumq̃, qui huc ad me audiendum con-
 uenerunt, humanitate, atq̃ attentione non medio-
 criter incitor, tua Beatitudo immortales, ac diui-
 nas suas laudes, easque non fucatas, atque adul-
 terinas, sed veras atq̃ germanas recognoscens ad si-
 milia, vel etiam ad maiora (si quid maius fieri po-
 test, quàm sanctissimam sedem Apostolicam tanta
 accessione locupletando ornare) vehementius inflam-
 metur, & ego summam meam, ac prope incredi-
 bilem erga te obseruantiam apud omnes, ut debeo,
 testatam apertissimè, atq̃ in perpetuum relinquam.
 Unde igitur exodiar, cum huiusce orationis princi-
 pium, nedum exitum inuenire difficile sit? nam
 quocunque me verto, Beatissime Pater, prastan-
 tissimarum rerum obruor multitudine, qua sin-
 gule me ad serapiunt, atque ut de ipsis primo loco
 verba faciam, non hortantur modo, atque inui-
 tant, verum etiam impellere, atque attrahere vi-
 dentur. sed esto orationis mea firmissimum quasi
 quoddam fundamentum, ac veluti basis quadam
 solidissima rerum dicendarum, & ab hoc, quod
 dictu mirabile, atq̃ insolitum est, sumatur exor-
 dium. Tuam scilicet Sanctitatem, opus cum ma-
 ximè arduum ac difficile aggressa fuerit, id breuis-
 simo temporis spatio, celerrimèque omnibus homi-
 nibus

nibus in admirationem raptis, atq; obstupeſcentibus
 perfeciſſe. Siquidem ita natura comparatum eſt,
 et ita uſu venire ſolet, ut qua multis, ac magnis cir-
 cumſcripta ſunt difficultatibus, ea non niſi magno
 labore, diuturnioriq; parentur tempore, vel tranſi-
 gantur: ex quo verè coniecerim, mentis, atq; con-
 ſilij quandam tibi non dicam præſtantiam, ſed di-
 uinitatem potius ineſſe, qui ardua atq; operoſa, fa-
 cilia plana, reddens, et temporis detrahens longin-
 quitati communem rerum videris immutaſſe na-
 turam, naturæq; ordinem, atq; inſtitutum ſuperaſ-
 ſe. Equidem eam capere urbem, qua a potentiſſi-
 mo viro Principe, eodemq; gratioſiſſimo teneatur,
 cum annona, tum bellicolis ciuib; aſſluentem, fir-
 miſſimis munitam præſidijs, varijs tormentorum,
 atq; armorum inſtructam generibus, magnis atq;
 altiſſimis mœnibus circundatam, ingentibus fos-
 ſis, atq; aggeribus circumuallatam, quam nobilis
 præterea, atq; amplius fluuius magna ex parte cin-
 git, paluſtrem eius agrum irrigans, munitiſſimis
 compluribus reſertum caſtellis; magnum belli ex-
 poſcit apparatus, præſtantem exercitum, ingen-
 tes copias, peritiſſimos duces, fortiſſimos milites,
 inſignem quandam potentiam, diuturniorem la-
 borum tolerantiam, temporis denique non mediocri
 ſpatium: hoc præſtare maximum faceſcit negotium,

vel his, qui potentia, opibus, atq; amicitijs maximè
 florent, qui magnum in alios habent imperium, qui
 summam rerum obtinet, quibusq; amica & bene-
 uola obsecundat fortuna. testantur hoc annales: non
 obscure indicant historia: non desunt perquirentibus
 multa in praeclaris litterarum monumentis huius rei
 exempla. At tua Beatitudo tanquam ab his legibus,
 quibus ceteri Principes viri obnoxij sunt, diuinitus
 facta communis, Ferrariam, Urbem, cum natura,
 tum artificio comparatis propugnaculis munitissi-
 mam, atq; necessarijs ad sustinendam obsidionem,
 propulsandum impetū rebus, atq; alijs, quae supra di-
 ximus, munita & firmata praesidijs, cum capere,
 vel potius recuperare sibi proposuisset, quod omnibus
 quidem difficillimum opus videbatur, eam nullo
 prope labore, sine exercitu, sine pecunia, qua copia-
 rum veluti nerui continentur, intra paucissimos
 dies, solo nutu, imperio, atq; auctoritate, omnibus
 gentibus, totoq; terrarum orbe admirante, cepit, re-
 cuperavit, in suam potestatem redegit. quod sanè
 factum tanto illustrius, tanto praeclarius, tantoq;
 diuinius est, quanto ab alijs summis Pontificibus ma-
 iori tentatum conatu, nunquam tamen ad optatum
 finem perducipotuit. Tua haec est igitur vera, ger-
 mana, atq; propria laus: tota haec tibi debetur,
 cum his, qui ante te Petri nauem gubernarunt,
 minimè

*minimè communis : ut propterea merito tibi , isti-
 que tuæ tam magna , tamq̃ insigni gloria ab illis in-
 uidendum sit , quos maximo post te reliquisti inter-
 uallo , quosque tam sapienter , tam excellenter , ac
 tanta cum hominum admiratione vicisti , atq̃ su-
 perasti . Sed ulterius quæso progrediamur , atq̃ , si
 lubet , huius tam ardui magniq̃ facinoris explore-
 mus honestatem . nam ita fit , Beatissime Pater ,
 ut quæ honesta sunt , ea & Deo summo rerum
 omnium opifici atq̃ architecto gratiora ; atq̃ iu-
 cundiora accidant , & apud sapientissimos viros
 maiorem laudem atque gloriam mereantur : &
 cum eidem immortalī Deo sint illa sua natura
 valde consentanea , utpote à quo , ceu perenni quo-
 dam fonte omne id , quod honestum est , derivatur ,
 maiori etiam ea is complecti benevolentia , his fa-
 uere , his præsens adesse , prosperoq̃ successu , ac fe-
 lici plurimum exitu sineq̃ ea donare , ornare , atq̃
 decorare consuevit . Quid igitur hoc factō hone-
 stius ? quid pulchrius dici , aut cogitari potest ? quo
 tua Sanctitas eam recuperavit urbem , quæ ditio-
 nis Romanæ pars erat , ob cuius alienationem ,
 magnam Sedes Apostolica iacturam fecerat , ma-
 gnum damnum , ingens incommodum per tot an-
 nos perpeffa fuit . Quid æquius , quid iustius est ,
 quàm quæ olim a summis Imperatoribus , ijsq̃ ma-*

xima pietate praeditis atq̃, religiosissimis Ecclesiae
 pie relictæ fuerant, vel quae ipsi Pontifices magno
 suo pepererunt labore, atq̃, industria; postea verò ne-
 scio quo fato, vel incuria amissa, rei bene gerendae
 oblata occasione vendicare? tuam hac de re, Beatissi-
 me Pater, sententiam expectamus: hoc tuo iudicio
 relinquimus statuendum: cuius tanta profecto est
 ingenij acies, tantumq̃, mentis acumen atq̃, perspi-
 cacia in grauissimis rebus iudicandis, nunquam
 ut erres, nunquam ut a vero declines, nihil ut
 quantumvis maxime intricatum atq̃, perplexum
 te transuersum agat, vel agere queat. At iamdiu
 decreuisti, vel antequam Reipublicae Christianae
 clauum teneres, quo scilicet tempore Ferrariae
 Dux, qui non ita pridem diem suum obiit, Grego-
 rium XIII. Pontificem Maximum interpel-
 lans, cum eo serio egit, ut Caesari Aestensi nepoti suo
 ex fratre nouationem veteris nominis, vel authori-
 tatis concederet: tunc enim re ad amplissimum
 Cardinalium Collegium ab eodem reiecta Pontifi-
 ce, eorumq̃, sententijs ea de re exquisitis, tu prae
 ceteris omnibus purpuratis Patribus Ducis licet
 potentissimi, atq̃, gratiosissimi intercessisti cupidita-
 ti, te accerrimum inter alios ille habuit oppugnato-
 rem, firmissimis rationibus, validissimis, atq̃, cer-
 tissimis argumentis dissuasisti, ne quod petebatur
 viro

viro Principi concederetur: id enim Sedi Apostolicae cum summo dedecori, tum maximo fore detrimento: salua insuper fide, aut officio indulgeri non posse: in quam sententiam, & ceteri sapientissimi Patres postea frequentes iuerunt, tuam summo opere admirati & probitatem, & eloquentiam. Nunc verò singulari Dei Opt. Max. providentia ad summum totius orbis terrarum gubernaculum sedens, aequissimam quam iam pridem protuleras, sententiam re ipsa comprobasti, mortuo, qui tunc tecum agebat, Ferrariensi Duce, nepoteq; eius ex fratre summis abs te precibus contendente, ut in patru locum ipsum subrogares. non illius maximae pollicitationes, non melliflua adulatorum verba, non ornatae eloquentium virorum orationes, non fucata Iurisconsultorum responsa, & ad gratiam edita, non ingentes aduocatorum clamores atq; vociferationes, non potentissimorum hominum suasiones, atque preces, non maxima tuorum nepotum prospecta utilitas te a proposito dimouere, ab honesto, ab officio unquam abducere potuerunt: ut ideo mirum nemini videri debeat, si laudandarum rerum omnium author, atq; moderator Deus, qui istas tuas tam praeclaras, tam magnificas, tam excelsas, tam honestas, atq; salutares cogitationes iam inde ab omni aeternitate praevidit, in haec te

tempora reseruauerit laboranti ut sua Ecclesia succurreres, eamque ad pristinum suum statum reuocares. nunquam enim, Beatissime Pater, conqueuisisti nisi perfectare, nisi ea, ad quam iure optimo adspirabas, recuperata vrbe. Omiram Pontificis Romani constantiam, summa cum vita integritate coniunctam. O factum CLEMENTE VIII. sapientissimo, atq; optimo viro, & Pontifice dignū, dignissimumq;, quod omnium nationum, cunctarum gentium ore atq; linguis celebretur, quod ubique terrarum aureis exculptum litteris cernatur.

Iam vero quis est tam obcacato, tamque stupido animo, qui non videat, aut intelligat quanta istud tuae Sanctitatis honestum, atq; eximium facinus utilitas, quantaq; commoda sint consecuta? an non Imperij Romani fines magnopere dilatati sunt? commerciorum ratio inter Bononiam, & Ferrariam faciliior, tutiorq; reddita? nonne ea pontificia ditioni addita vrbs, quae et loci firmitate, & aeris temperatione, & adium magnificentia, & templorum venustate, & platearum amplitudine, atq; elegantia, & vicorum admirabili structura, artificum praeerea varietate, atq; multitudine; nobilium virorum frequentia, diuitiarum magnitudine, salis, piscium, et earum rerum omnium, quae importantur, atque exportantur, humano

humano vsui deferuientium abundantia , agri fertilitate , fluiuij , maris deniq; commoditate , atq; opportunitate communi omnium consensu , et voce compluribus nobilissimis Italia Ciuitatibus praestat atq; antecellit? nonne Ecclesia Romana vectigalia magno pere adaucta atq; amplificata? cuius vero nationis , vel gentis accessio facta? Ferrariensium , qui ingenij , ac mentis acumine , et perspicacitate , nec non armis , litteris , opibus , prudentia , robore corporis , atq; animi fortitudine nulli vnquam nationi concesserunt: quorum virtutis , atq; nominis fama ad extremas usq; terrae partes peruolauit : ex quibus incredibile est dictu , quot milites bellicosissimi , & generosissimi Duces tibi praesto futuri sint ad tuum maximum Imperium tuendum , ad Petri nauem immanibus et horribilibus agitatam fluctibus atq; procellis è naufragij periculo eripiendam , tanquam quidam peritissimi nauitae; quot insuper iurisperiti excellentis cuiusdam doctrinae , quot celeberrimi Oratores , quot alij homines rerum vsu praestantissimi , qui consulere , iusq; dicere , qui causas agere , legatorumque obire munera , qui rem tum publicam , tum priuatam administrare , negotijsq; domesticis , atq; alterius generis praefse egregie possint. Isto tuo tam singulari facto , Beatissime Pater , (paucis ut complectar) Urbem Romanam à cade , incendio , atq; rapinis , agrum eius

ab exulum, atq; hostium incurfione, ac depopulatione, mare verò a Piratarum, & latronum insolentia, atq; tyrannide tutiffimum reddidifti: ditio ecclefiaftica non folum abs te maxime aucta atq; amplificata; fed etiam in perpetuum firmata atq; stabilita, Sediq; Apostolicae et ipsi summae rerum vniuerfae optime consultum, atq; prospectum est, Pontificia auctoritate, Ecclesiaeq; Religione ab impiorum, & sceleratorum hominum vindicata contemtionem. Nam nemo cordatus est, quin fateatur istud tuum frugiferum facinus adeo quoque praestans, adeo honorificum esse, vt ad illius amplitudinem atque dignitatem nihil addi, adiungique possit.

Quis enim illud cum aliorum Summorum Pontificum praeclaris factis comparans non iure praferendum esse omnibus existimauerit? Equidem templa vetustate consumpta reficere, vel noua exedificare pium est, palatia extruere, vias sternere, vel ornare, portas erigere, pyramides, et obeliscos in sublime attollere magnificum, lapsam morum disciplinam restituere praeclarum atq; sanctum, potentiss. viris resipiscensibus ignoscere ad clementiam pertinet, principum virorum, populorumq; iras, dissidia, atq; discordias sedare, atq; tollere gloriosum, homines ornare dignitatibus, atq; opibus augere laudem meretur beneficentiae: qua omnia tibi cum illis communia sunt.

sunt, quorum & ipse gloriam vendicas. At istud tuum quod ego laudo atq; praedico eximium, ac sine exemplo facinus à praestantissimo quodam virtutum omnium habitu, qui in te elucescit, profectum est, in quo tu solus excellis, in quo parem neminem habes, quodq; praestantissima quadam, qua, & ipsum magis atq; magis illustratur, à te editum ratione conspicitur. Etenim quae Sanctitas tua ad Ferrariam recuperandam instrumenta adhibuit? quibus usa est medijs? num eis, quae ceteri principes viri usurpare solent, auro, exercitu, bellicis tormentis, atq; machinis? num cuniculis, suffosionibus? num stratagema te, dispositis in insidijs militibus? minime. At, Beatissime Pater, Duces creasti, milites conscripsisti, bellica instrumenta destinasti, Cardinalem Aldobrandinum fratris tui filium, virum cum omnibus animi, corporis, fortunaeq; bonis ornatissimum; tum vero praesertim sapientissimum, & fortissimum, miraque in transgendis negotijs dexteritate praeditum expeditioni praefecisti: non nego. Verum tu haec omnia egisti, tuam ut demonstrares potentiam, harum ut rerum fama, quem leue atq; imperitum vulgus tuum fore hostem putabat, illum eminens perterrefaceres, alij ut cognoscerent tibi ea non deesse tum praesidia, tum ornamenta, quibus principes viri gaudent, quibus non Vrbes solum, sed & Provincias:

non oppugnare modo, sed etiam expugnare ad arbitrium tuum posses, quibusq; multi, qui in eundem quem tu, summum dignitatis gradum adscēderunt, atq; ij, vel eodē quo tu cohonestati nomine, Turcarū Imperatoris impetum, et ferociā saepe cōpresserūt, multisq; effrenatis Rebus publicis, atq; nationibus veluti frenum atq; habenas iniecerunt. Num eo fortasse tuum spectabat consilium, scilicet ut conscriptū exercitum Ferrariae admoueres? copias populo Ferrariensi formidabiles ostentares? quod haud necesse esse tanquam e sublimi specula prospexeras: num operis, quod moliebaris, exitus te tuamq; singularem sapientiam latebat? qui multis Cardinalibus non raro in priuatis congressibus asseuerasti, tuo exercitu nec dum ad Ferrariensem Ciuitatem aduentante fore ut ea potireris: nihil deinde praeter tuam accidit opinionem: prudens dictum comprobauit euentus.

Quod cum mihi, qui Ticini essem renunciatum esset, eccelsissimae tuae mentis statim suspexi diuinitatem, Et cum ex diurna tui frequenti, atq; eximia cogitatione, ut plaerumq; usu venire solet, in somnis tui praesentis iucundissima mihi occurreret imago, teq; de Ferrariensi Ciuitate grauissimē, atq; admirabili quadam ratione, et loquentem, et agentem, maxima cum animi mei oblectatione audire mihi viderer, illud interim me sollicitum atq; anxium tenebat,

nebat , quòd rectè dignoscere non possem qui tu
 esses : utrum homo humana conditione generatus ,
 sed omnium , qui sunt præstantissimus , & in quo
 fingendo , atq; ornando natura parens omnem suam
 vim atq; impetum expressisset , an potius Deus ali-
 quis ad Ecclesiam amplificandam , atq; morta-
 les summis cumulandos beneficijs è cælo demis-
 sus . Quid ? susceptum a te opus ad finem per-
 duxisti , consilio , prudentia , auctoritate , atq; his
 præsertim armorum generibus , quæ sub sensum
 minimè cadunt , hominumque mentes maximè
 afficiunt , potentissimis quidem , ac magnopere me-
 tuendis . Hæc verò quibus fovebantur rebus atq;
 fulciebantur ? nocturnis vigilijs , pjs lucubrationi-
 bus , assiduis templorum visitationibus , ieiunijs , qui-
 bus corpus tuum extenuasti : elargitionibus , quibus in-
 opes recreasti : precibus , quas flagrantissimo quodam
 animi studio atq; ardore ad Deum Opt. Max. cum pu-
 blicè , tum in intimis tuis magnificentissimis adibus
 sæpe fudisti : quibus ceu alter Moses in eas illum quasi
 compulisti angustias , tibi quod è re Ecclesia , atq; or-
 namento foret , præclare machinanti , manus ut præ-
 beret auxiliares : supplicationibus , atq; alijs deniq;
 sanctissimis functionibus , quas per urbem , et in ur-
 be peragendas decreuisti . his artibus , his instrumen-
 tis , quæ ceteris omnibus longe præstant , Ferrar-
 iac

riae ditionem atque principatum brevissimo tempo-
 re es adeptus, omni fugato, atque perduto exercitu,
 qui ad illam tuendam, atq; propugnandam vel iam
 accinctus praestoq; esset, vel aliquando venire atq;
 accedere posset. quae quidem artes tanto praestantio-
 res sunt, quanto ea laudabilior est victoria, quae si-
 ne hominum caede, sine strage, sine sanguinis effu-
 sione comparatur, dignissime te, tuoq; & praestan-
 tissimo ingenio, & celeberrimo nomini maxime
 conueniens. Quamobrem verè concludam, tuam
 Sanctitatem huius facinoris, & magnitudine, &
 honestate, et utilitate, et dignitate, medioremq;
 praestantiam viam sibi ad immortalitatem munif-
 se aeternamq; felicitatem. reperientur enim innume-
 rabiles propè illius sempiterni precones: quo tu Ale-
 xandro Magno felicior iudicaberis, qui solum Ho-
 merum egregium Poetam nactus est suarum lau-
 dum decantatorem: immò, ut ingenuè fatear, qui-
 cunque hac aetate suis scriptis optimè consultum
 concupierit, suis illud idè facinus versibus atq; pagi-
 nis complectetur: cum praestantissimis illis scripto-
 ribus, quos superiora secula habuerunt, ad eorum
 laudum amplitudinem hoc unum defuisse videat-
 ur; quòd in ista tua non inciderint tempora, eorum-
 que libri tanti argumenti, hoc est, tam praeclari tui
 facinoris dignitate, atq; splendore caruerint. quod


cum

cum ceteris rebus, quae a te magna cum laude
gestae sunt collatum, eo illis praestantius videri de-
bet; quod illae ad unam, certamq; aliquam perti-
neant virtutem; hoc verò singularem quandam in
animo tuo encyclopædiam apertissimè arguat: illae
te uniuscuiuspiam virtutis appellatione; hoc autem
omnium quotquot sunt simul nomine exornet. simi-
liratione multis, qui Reip. Christianae summā obti-
nuerunt, excellentior appares; quod tu eorum lau-
dum illos egregiè imitatus particeps sis; tuas verò
et illis minime communicaueris: ut si de illis mentio
aliqua in litterarum monumentis reperiatur; futu-
rum quidem sit, ut de te omnes, quae in posterum con-
scribentur historiae, vel ex instituto loquantur, nul-
laq; aetas, nullum seculum, nullumue aeuum de istis
tuis tam eximijs, tamq; magnis laudibus unquam
conticescat. sed et summus ille bonorum omnium re-
munerator Deus post longissimum vitae tuae cur-
sum eiusdem facti praestantiam amplissimi caelestis
praemij compensabit, atq; ornabit magnitudine. Ce-
terum dum tuae Beatitudinis immortales laudes
dicendo persequor, nolim tamen fortasse cuiquam vi-
deri me aliquid detractum cupere de Caesaris Aes-
tis, qui Ferrariam tenebat, viri principis, atq; Fer-
rariensium existimatione. nam si quid ille cupidius
fecisse videtur, a tua ei ignoscendum est sanctitate;
quia

quia non malitia, sed ignoratione, non auaritia, sed
 fucato iure, eiusq; specimine, ac falsis ad id adductus
 est persuasionibus: si ipsi non ita statim, ut debebat,
 paruerit, fortè excusandus; quia non pontificia aucto-
 ritatis contemptione id egerit; sed suarum solum opū
 conseruandarum studio, quod omnibus hominibus
 natura tributum est: non ut Ferrariam diuturna si-
 bi præscriberet tyrannide, sed ut ob accessiones, hoc
 est, sumptus maximos in ea instauranda, atq; exor-
 nāda a suis maioribus factos, meliores, quod aequum
 videbatur, conditiones à te impetraret: praesidia verò
 & milites aduocauit, non ut te ciuitatis ingressu pro-
 hiberet, vel principatu excluderet, sed ut dum sua
 cognoscerentur iura, urbem a finitimorum, hostium-
 que insidijs, atq; excursione tutam redderet: vir sanè
 summopere laudandus, qui cum diu se, ciuitatisque
 possessionem armis tueri posset; tuae tamen Sanctita-
 ti sese dediderit, ciuitatem restituerit, pacta, & con-
 ditiones tuo arbitrio propositas obierit, rectissima tua
 obsecundauerit voluntati, gloriamq; non mediocri-
 ter fouerit, ac deniq; ea perfecit omnia, qua nobi-
 lissimum decent principem, cuius eximia sit erga
 Deum pietas, atq; religio, singularis in sedem Aposto-
 licam, Romanāq; obseruantia, mores optimi, mensq;
 omnibus cumulata virtutibus atq; ornata. Ferra-
 rienses verò si re non bene perspecta, et adhuc dubia

Cesa-

Caesarem Aetensem, Ferrariae Ducem, publicè acclamauerint; & salutaauerint, sibiq; dominum adsciuerint in demortui locum, id à tua Beatitudine illis tanquam certi amoris, & erga Principem fidei argumentum condonandum est, a quo, & a cuius maioribus multis, ac magnis se, suosq; liberos beneficijs affectos, atq; auctos esse nouerant, recensq; meminerant: immò si argumentari licet, illud Ferrariensium factum, quod maximam eorum arguit fidem, non obscure indicat, quales ipsi postea in ecclesiam futuri essent: ut sicut a Caesare Aetensi nisi re planè intellecta atq; cognita distrahi noluerunt, in fide permanentes; ita fore ut cum Romanae ditioni lubentes seipsos subiecissent, nullo ancipiti euentu fluctuarent, nulla rerum vicissitudine ab ea diuelli sese paterentur: praesertim cum optimè scirent illius gubernaculum tanto Caesaris, ceterorumq; omnium administratione praestantius esse, quanto Ciuitates, Prouinciae, Respublicaq; illae, quae a religiosissimis, ac sapientissimis viris reguntur, alijs feliciores ac beatiores existunt. ciues quidem egregij, de quibus nulla mala opinio imbibi debet, quoniam praestantissimorum, atq; integerrimorum suorum Ducum praeclarißima exempla secuti, inter alios maxime semper pietate, atq; sanctimonia floruerunt. viri certè summis ad cælum laudibus effereudi,



efferendi, qui ubi veritatem, qua tenebris obducta
 latuerat, in lucem productam, tuaq; Beatitudinis
 causa honestatem viderunt, in tuam manum, atq;
 potestatem nulla interiecta interpositaq; mora sup-
 plices conuolarunt, tanto cum animorum gaudio,
 atq; latitia, tanta cum exultatione, atq;, ut ita di-
 cam, iubilatione, quanta non modo non dici, vel
 narrari, sed ne fingi, aut cogitari quidem potest: cu-
 ius rei maximas nuperrimè dederunt significatio-
 nes, in tuo videlicet felicissimo, atq; optatissimo ad
 eos aduentu: cum tibi venienti ex Ferrariensibus
 primates obuiam facti, ciuitatisq; clauibus traditis,
 quod deditiois signum est, te magnificentissimè,
 ac cum insolito, atq; inaudito quodam apparatu, at-
 que pompa in suam receperunt ciuitatem: cum pue-
 ri, cum mulieres, cum reliquus populus procumben-
 tes, tibi tum urbem ingredienti, tum per eam superbis-
 sime exornatam, atq; stratam transeunti elatis cer-
 tatim vocibus, atque clamoribus felicia, ac fausta
 quaque precarentur: cum omnes ciues te non solum
 dominum, sed etiam communem patriæ parentem
 amantiſſimis paſſim ſalutationibus appellarent, &
 predicarent, omnibus interim vicis, ruſticis, et vr-
 banis, cuncta ciuitate, vniuerſoq; aere ob ingentem
 tormentorum fragorem, maximum tubarum ſoni-
 tum, miſicasq; cantiones, atq; inſtrumenta diuer-
 ſorum

forum generum pra ingenti atq; immensa quadam
 laetitia mirum in modum resonante. Quare Bea-
 tiſſ. Pater, et rationi, et tua ſingulari ſapientia, atq;
 clementia maximè conſentaneum eſt, ut erga Caſ.
 Aſtenſem beneuolo ſis animo, potentiſſ. tuo eū qua-
 ſi numine ſuſtētes, rebus omnibus tuearis, atq; ornes:
 qui ſummam ſuam iam in accipiendis tuis man-
 datis obedientiam, et pietatem planè oſtendit: qui
 ſi hic adeſſet, ante tuos ſanctiſſimos pedes ſupplici-
 ter proſtratus, in eum fore modum te alloqueretur,
 quo Tarſis ille Indiarum Rex Alexandro Magno
 occurrens, illum eſt adortus. Tuam ego Sanctita-
 tem non ad bellum, neq; ad pugnam, ſed ad aliud
 certaminis genus, in quo officijs et clementia pugna-
 tur: qua tibi propriae a Deo Opt. Max. naturaq;
 ipſa tributae & conſeſſae virtutes ſunt, prouoco at-
 que laceſſo: Ferrariam ſibi capeſſat, quam ei non
 inuitus reſtituo, magno quaſi a me donata benefi-
 cio, eaq; in perpetuum ſeliciſſime fruatur: mea, meo-
 rumq; praeterea opera, ſi placet, utatur, quam ei beni-
 gne pollicor, nec non his, qua mihi ſuperſunt opibus,
 totoq; meo principatu, quem ei humillimè do, dico,
 atq; trado, & cum me ſuperior, atq; omnium maxi-
 ma ſit, mihi benefacito: quibus verbis tua Beatitudo
 compulſa, ipſi Caſari, ut olim Alexander Tarſi, ita
 egregiè reſponderet. Certandum eſt nobis vter bene-
 ficiorum

ficiorum magnitudine alterum superet : tu securo atq; tranquillo animo ijs bonis fruire , qua cum tibi iure eripere posse videar , liberalissimè , atq; humanissimè relinquo , summis ut hinc a me cumulatius officij discedas : & quae ornamenta , atq; praesidia exoptas , ea te a me consecuturum esse sperato , atq; confidito . Sed neq; minus aequum , atq; honestum est , & ad easdem illas tuas praclaras pertinet virtutes , Ferrarienses singulari benevolentia complecti , maximum eorum amare amorem , eisq; respondere in amore , in tuam clientelam atq; patrocinium receptos , honoribus , dignitatibus , atq; commodis augere , eosq; oibus in rebus ita tractare , ut summum eorum in te studium , atq; fides exposcere videtur . nam tuae Sanctitati persuasum esse debet , tales illos erga te , atq; Ecclesiam perpetuo futuros , quales adeo princeps ille expertus , et confessus est , qui eos ad imperium atq; nutum alacres semper , & ad subeunda vitae discrimina pro sui domini salute vidit expeditos , et intrepidus . Verum cur ad hoc tuam Beatitudinem hortor , cum te tua sponte satis ad id incitatum , atq; inflammatum esse cognoscam ? Quorsum . n. huc Roma properans animo venisti laeto , & ad miserendum , succurrendumq; alacri , maximis omnibus , tum aetatis , tum itineris superatis difficultatibus , nisi praesentia ut tua Ferrarienses magis illustrares , recreares , atq; ornare?

res? Quid narrem sanctissimas illas leges Lygurgi, Solonis, atq; Numa sanctionibus præstationes, quas es daturus? ad quarum præscriptum viuentes Ferrarienses, sanctam et ad veram beatitudinem ducentem ingredientur semitam: et qua officij vincula, et illorum omnium virtutis, atq; fidei custodes erunt. quid magistratus commemorem? quos eorum ciuitati tales præficies, quales in Republica bene constituta, ac felici esse conuenit, quorum integritate, consilio, fide, atq; sapientia cuncta regantur, atq; administrantur. quid deniq; totam gubernandi rationem præscribere explicem? qua adeo præstans erit, ut difficillimum sit iudicare, utrum tua Sanctitas illam ex Platonis libris hauserit, an a Deo potius traditam acceperit. qua inita Ferrariensis ciuitas felix omnino efficietur; utpote quæ bonis abundabit omnibus, in qua cines conspiciuntur compositi ad iustitiam, temperantiam, atq; fortitudinem. præterea liberi, prudentes, diuites, sani, nullisq; factionibus, atq; inimicitijs distraeti: ut iure optimo omnibus videri possit. singulari tua opera, atq; studio perfectum iri, ut aurea illa secula Ferrariensibus redeant. Quare si ex hoc ornatissimo loco altiori voce ipsis significauero, tuæ Sanctitati setantum debere, quantum vlla unquam Ciuitas suo, vel conditori, vel amplificatori, vel principi de ipsa optimè merito debere posse videatur, non vtiq; mentiar.

nam

nam tua Beatitudo eo consilio, atque animo ad eos accessit, illos ut his cumularet, atque ornaret beneficijs, in quibus tota summa maximarum laudum pietatis, religionis, liberalitatis, magnificentiae, atq; clementiae posita est: ita ut quamvis ipsi Ferrarienses tua Sanctitati Statuas erexerint, domos suas tuis, tum insignibus, tum imaginibus exornauerint, annuos etiam ludos in felicissimi illius diei, quo ipsorum urbem ingressus, sereniss. tuo vultu beasti, memoria decreuerint, omnia tua, & acta, & res gestas in annales elegantissimè retulerint, teq; summa laude, gloria, atq; honore, eaq; suavisima affecerint, atq; perfuderint voluptate, qua, ut veteres sapientissimi docent, nulla ad Deorum immortalium naturam propius accedit; non parem tamen pro illis gratiam retulisse videantur. At in immensum excrescit oratio: iam mihi videre videor tuam Beatitudinem, uosq; patres amplissimos quasi audiendo defatigatos, mihi, qui adhuc multa quidem dixi, sed & plura habeo dicere, finem loquendi precipere, & exultantem, atq; velocissimè excurrentem meam refrænare orationem. quorum ut nutibus paream, rectissimisq; obsequar voluntatibus, illius impetum, atq; vehementiam, meq; adhuc plura dicere cupientem, reprimam, nec longius insequar. Quapropter quod reliquum est, te, Beatiss. Pater, etiam atq; etiam oro,

oro, rogo, obsecro, atq; obtestor, ut mihi ad sanctissimos tuos pedes suppliciter aduoluto ignoscas, quod orando assequi non potuerim, immortales ut tuas laudes pro dignitate celebrasse videar. nam quod in hunc amplissimum, atq; ornatissimum locum de illis dicturus adscenderim, summa mea in te obseruantia adscribendum: quod verò id, quod exoptabam, aggressusq; sum, minimè perfecerim, illarum laudum magnitudini, atq; immensitati attribuendum est. illarum, inquam, tam ardui tui facinoris, quo Ferrariam, nobilissimam Italia urbem, recuperasti, tam honesti, tam utilis, tam honorifici, ac tam insigni ratione, ut nihil supra, editi atq; confecti: quibus et Caesar Aetensis tui obseruantissimus, et Ferrarienses tui studiosissimi, atq; obsequentiissimi non parum fauerunt, pluribus propterea abs te in posterum deuinciendi, atq; decorandi beneficijs. si quidem ista tua tam praeclara, tam eximia, atq; egregia laudes sua hoc praestantia, atq; celsitudine efficiunt, ut non nisi diuina quapiam, vel incredibili tua ornari eloquentia queant, neq; cuiuspiam, te uno excepto, mortalis eleganti, et apposita ad rei pondus oratione, aut verborum splendore, et sententiarum grauitate elucētibus scriptis illustrari; sed muto duntaxat silentio, et magna atq; ingenti admiratione exprimi, predicariq; possint atq; valeant.

Laus Deo, & B. V. semper.

AD PERILLVSTREM
PHILIBERTVM
BELCREDIVM,

V. S. Referendum.

NICOLAI SALICETI SEQVANI

TICINON.

T Micat, Oceano dum profilit æquore, Titan
Per maria, & terras, luce micante volans.
Ticino at surgit Phœbo iste illustrior amne
Belcredius; magni qui monumenta refert
CLEMENTIS; nomenq; suum sic sydera celsa
Exuperat, geminis fama; nora Polis.

AD EVNDEM.

ROBERTI Strachani Schoti Elogium.

VIS vates potis est, dicito BELCREDI,
Te versu, ac meritis tollere laudibus:
Blandæ Sicelides cum nequeant Deæ,
Cunctos quæ superant tono?

Mirati satis est mundigenis tuas
Virtutes; procul at esto imitarius.
Longè sufficiat cernere tramitem,
Quem tu difficilem teris.

Vos ergo, quibus est virtus amabilis,
Et vos o, Latices qui bibitis sacros
Musarum, statuas condite eburneas,

Ferte & BELCREDIO novas.